



**ЎЗБЕКИСТОН РЕСПУБЛИКАСИ
МАРКАЗИЙ САЙЛОВ
КОМИССИЯСИ**

АХБОРОТНОМАСИ

№ 1–2

2019

ТОШКЕНТ – 2019

**Ўзбекистон Республикаси
Марказий сайлов комиссияси
АХБОРОТНОМАСИ**

2019 йил № 1–2 сон

**Ўзбекистон Республикаси
Президенти Администрацияси
хузуридаги Ахборот ва оммавий
коммуникациялар агентлиги
Оммавий ахборот воситаси сифатида
давлат рўйхатидан ўтказилганлиги
тўғрисида гувоҳнома № 0838**

1999 йилдан чиқа бошлаган

**Муассис:
ЎЗБЕКИСТОН РЕСПУБЛИКАСИ
МАРКАЗИЙ САЙЛОВ
КОМИССИЯСИ**

**Материаллар ҳар бир сонда
ўзбек ва рус тилларида
босилади**

ТАҲРИР ҲАЙЪАТИ РАИСИ

Мирза-Улуғбек Абдусаломов

ТАҲРИР ҲАЙЪАТИ

Маҳмуд Истамов
Худоёр Мамагов
Баходир Юнусов
Шухрат Сирожиддинов
Жанабай Садиқов
Шухрат Файзиёв
Фарход Насриддинов
Қулмон Очилов
Наргис Собирова

БОШ МУҲАРРИР

Наврўз Ризаев

ТАҲРИРИЯТ МАНЗИЛИ:

100078, Тошкент шаҳри, Мустақиллик
майdonи, 6.

www.elections.uz e-mail:saylov@umail.uz

Телефон: 71 239-43-91

Нашриёт лицензияси АИ № 158.14.08.2009.

Босишга 2019 йил 30 ноябрда рухсат этилди.

Бичими 60×84¹/₈. Офсет қоғози. «Times New

Roman» гарнитурасида офсет босма усу-

лида босилди. Шартли босма табағи 4,65.

Нашр табағи 3,43. Адади 200 нусха.

Буюртма № 19-657.

Ўзбекистон Республикаси Президенти
Администрацияси хузуридаги Ахборот ва
оммавий коммуникациялар агентлигининг
«O‘zbekiston» нашриёт-матбаа ижодий уйи.
100011. Тошкент, Навоий кўчаси, 30.

МУНДАРИЖА

Ўзбекистон Республикаси Олий Мажлиси Сенати
аъзоси Э.Турдимовнинг сенаторлик ваколатини
муддатидан илгари тугатиш тўғрисида

5

Ўзбекистон Республикаси Олий Мажлиси
Сенати аъзоси А.Жўраевнинг сенаторлик ваколатини
муддатидан илгари тугатиш тўғрисида

6

Самарқанд вилоятида бўшаб қолган ўринга Ўзбекистон
Республикаси Олий Мажлиси Сенати аъзоси сайлови-
ни ўтказиш тўғрисида

7

Ўзбекистон Республикаси Марказий сайлов
комиссиясининг Котибияти низоми тўғрисида

8

Ўзбекистон Республикасида Сайловчиларнинг
ягона электрон рўйхатини тузиш, аниқлаштириш
ва сайловларда ундан фойдаланиш тартибини
тасдиқлаш тўғрисида

9

Ўзбекистон Республикасида Сайловчиларнинг ягона
электрон рўйхатини тузиш, аниқлаштириш ва
сайловларда ундан фойдаланиш тартиби

11

Самарқанд вилоятида бўшаб қолган ўринга
Ўзбекистон Республикаси Олий Мажлиси
Сенати аъзоси сайлови бўйича бўлиб ўтган кўшма
мажлисда сайланган Э.Турдимовни Ўзбекистон
Республикаси Олий Мажлисининг Сенати аъзоси
этиб рўйхатга олиш тўғрисида

18

Тошкент вилоятида бўшаб қолган ўринга Ўзбекистон
Республикаси Олий Мажлиси Сенати аъзоси
сайловини ўтказиш тўғрисида

19

ЎЗБЕКИСТОН РЕСПУБЛИКАСИ МАРКАЗИЙ САЙЛОВ КОМИССИЯСИ

**ЎЗБЕКИСТОН РЕСПУБЛИКАСИ АХБОРОТ ТЕХНОЛОГИЯЛАРИ ВА
КОММУНИКАЦИЯЛАРИНИ РИВОЖЛАНТИРИШ ВАЗИРЛИГИ**

ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС

ТАЪЛИМ ВАЗИРЛИГИ ҚЎШМА ҚАРОРИ

Худудий тренерлар, туман ва шаҳар тренерлари, шунингдек, сайлов комиссиялари вакилларининг сайлов жараёнини бошқариш ахборот тизимидан фойдаланиш ва уни жорий қилишни амалга ошириш юзасидан ўқувларини ташкил этиш бўйича режа-графикни тасдиқлаш тўғрисида

20

Тошкент вилоятида бўшаб қолган ўринга Ўзбекистон Республикаси Олий Мажлиси Сенати аъзоси сайлови бўйича бўлиб ўтган қўшма мажлисда сайланган Г.Рихсиевани Ўзбекистон Республикаси Олий Мажлисининг Сенати аъзоси этиб рўйхатга олиш тўғрисида

23

Ўзбекистон Республикаси Олий Мажлиси Сенати аъзоси М.Усмановнинг сенаторлик ваколатини муддатидан илгари тугатиш тўғрисида

24

Ўзбекистон Республикаси Олий Мажлиси Қонунчилик палатаси депутати Ж.Ниязованинг депутатлик ваколатини муддатидан илгари тугатиш тўғрисида

25

2019 йилда Ўзбекистон Республикаси Олий Мажлиси, халқ депутатлари вилоят, туман ва шаҳар Кенгашлари сайловига тайёргарлик кўриш бўйича асосий тадбирлар Дастурини тасдиқлаш тўғрисида

26

Ўзбекистон Республикаси Марказий сайлов комиссиясининг доимий асосда ишловчи аъзоси О.Абдуназаров тўғрисида

35

Ўзбекистон Республикаси Олий Мажлиси Қонунчилик палатаси депутати С.Отамуратовнинг ваколатини муддатидан илгари тугатиш тўғрисида

36

Ўзбекистон Республикаси Олий Мажлиси Қонунчилик палатаси айрим депутатларининг ваколатини муддатидан илгари тугатиш тўғрисида

37

Ўзбекистон Республикаси Олий Мажлиси Сенати аъзоси Ғ.Ибрагимовнинг сенаторлик ваколатини муддатидан илгари тугатиш тўғрисида

38

Н.Йўлдошевни Ўзбекистон Республикаси Олий Мажлиси Сенати аъзолари рўйхатидан чиқариш тўғрисида

39

Т.Нарбаева ҳамда Э.Баситхановани Ўзбекистон Республикаси Олий Мажлиси Сенати аъзолари этиб рўйхатга олиш тўғрисида

40

**ЎЗБЕКИСТОН РЕСПУБЛИКАСИ МАРКАЗИЙ
САЙЛОВ КОМИССИЯСИНИНГ
Қ А Р О Р И**

**ЎЗБЕКИСТОН РЕСПУБЛИКАСИ ОЛИЙ МАЖЛИСИНИНГ СЕНАТИ
АЪЗОСИ Э.ТУРДИМОВНИНГ СЕНАТОРЛИК ВАКОЛАТИНИ
МУДДАТИДАН ИЛГАРИ ТУГАТИШ ТЎҒРИСИДА**

«Ўзбекистон Республикаси Олий Мажлиси Қонунчилик палатаси депутатининг ва Сенати аъзосининг мақоми тўғрисида»ги Ўзбекистон Республикаси Қонунининг 4-моддаси ҳамда «Ўзбекистон Республикаси Марказий сайлов комиссияси тўғрисида»ги Ўзбекистон Республикаси Қонунининг 5 ва 9-моддаларига мувофиқ Ўзбекистон Республикаси Марказий сайлов комиссияси

Қ А Р О Р Қ И Л А Д И :

1. Эркинжон Оқбутаевич Турдимовнинг халқ депутатлари Сурхондарё вилоят Кенгаши депутати ваколоти тугатилганлиги муносабати билан унинг сенаторлик ваколоти муддатидан илгари тугатилган деб ҳисоблансин.
2. Мазкур қарор Ўзбекистон Республикаси Олий Мажлисининг Сенатига ҳамда халқ депутатлари Сурхондарё вилояти Кенгашига юборилсин.
3. Ушбу қарор Ўзбекистон Республикаси Марказий сайлов комиссиясининг расмий веб-сайтида, шунингдек, бошқа манбаларда эълон қилинсин.

**Марказий сайлов комиссияси
Раиси**

М. АБДУСАЛОМОВ

*Тошкент шаҳри,
2019 йил 18 январь,
902-сон.*

**ЎЗБЕКИСТОН РЕСПУБЛИКАСИ
МАРКАЗИЙ САЙЛОВ КОМИССИЯСИНИНГ
ҚАРОРИ**

**ЎЗБЕКИСТОН РЕСПУБЛИКАСИ ОЛИЙ МАЖЛИСИНИНГ
СЕНАТИ АЪЗОСИ А.ЖЎРАЕВНИНГ СЕНАТОРЛИК ВАКОЛАТИНИ
МУДДАТИДАН ИЛГАРИ ТУГАТИШ ТЎҒРИСИДА**

«Ўзбекистон Республикаси Олий Мажлиси Қонунчилик палатаси депутатининг ва Сенати аъзосининг мақоми тўғрисида»ги Ўзбекистон Республикаси Қонунининг 4-моддаси ҳамда «Ўзбекистон Республикаси Марказий сайлов комиссияси тўғрисида»ги Ўзбекистон Республикаси Қонунининг 5 ва 9-моддаларига мувофиқ Ўзбекистон Республикаси Марказий сайлов комиссияси

ҚАРОР ҚИЛАДИ:

1. Абдумўмин Суннатович Жўраевнинг халқ депутатлари Самарқанд вилоят Кенгаши депутати ваколати тугатилганлиги муносабати билан унинг сенаторлик ваколати муддатидан илгари тугатилган деб ҳисоблансин.

2. Мазкур қарор Ўзбекистон Республикаси Олий Мажлисининг Сенатига ҳамда халқ депутатлари Самарқанд вилояти ва Пайариқ тумани Кенгашларига юборилсин.

3. Ушбу қарор Ўзбекистон Республикаси Марказий сайлов комиссиясининг расмий веб-сайтида, шунингдек, бошқа манбаларда эълон қилинсин.

**Марказий сайлов комиссияси
Раиси**

М.АБДУСАЛОМОВ

*Тошкент шаҳри,
2019 йил 18 январь,
903-сон.*

**ЎЗБЕКИСТОН РЕСПУБЛИКАСИ
МАРКАЗИЙ САЙЛОВ КОМИССИЯСИНИНГ
Қ А Р О Р И**

**САМАРҚАНД ВИЛОЯТИДА БЎШАБ ҚОЛГАН ЎРИНГА ЎЗБЕКИСТОН
РЕСПУБЛИКАСИ ОЛИЙ МАЖЛИСИНИНГ СЕНАТИ АЪЗОСИ
САЙЛОВИНИ ЎТКАЗИШ ТЎҒРИСИДА**

«Ўзбекистон Республикаси Олий Мажлисига сайлов тўғрисида»ги Ўзбекистон Республикаси Қонунининг 61-моддаси ва «Ўзбекистон Республикаси Марказий сайлов комиссияси тўғрисида»ги Ўзбекистон Республикаси Қонунининг 5-моддасига мувофиқ Ўзбекистон Республикаси Марказий сайлов комиссияси

Қ А Р О Р Қ И Л А Д И :

1. Самарқанд вилояти давлат ҳокимияти вакиллик органлари депутатларининг бўшаб қолган ўринга Ўзбекистон Республикаси Олий Мажлисининг Сенати аъзоси сайлови бўйича кўшма мажлиси 2019 йил 25 январь куни соат 14:00да Самарқанд вилояти ҳокимлигининг катта мажлислар залида ўтказилсин.

2. Мазкур қарор халқ депутатлари Самарқанд вилояти Кенгашига ижро учун юборилсин.

3. Ушбу қарор Ўзбекистон Республикаси Марказий сайлов комиссиясининг расмий веб-сайтида, шунингдек, бошқа манбаларда эълон қилинсин.

**Марказий сайлов комиссияси
Раиси**

М.АБДУСАЛОМОВ

*Тошкент шаҳри,
2019 йил 18 январь,
904-сон.*

**ЎЗБЕКИСТОН РЕСПУБЛИКАСИ
МАРКАЗИЙ САЙЛОВ КОМИССИЯСИНИНГ
Қ А Р О Р И**

**ЎЗБЕКИСТОН РЕСПУБЛИКАСИ МАРКАЗИЙ САЙЛОВ
КОМИССИЯСИНИНГ КОТИБИЯТИ НИЗОМИ ТЎҒРИСИДА**

Ўзбекистон Республикасининг «Ўзбекистон Республикаси Марказий сайлов комиссияси тўғрисида»ги Қонуни 5, 14-моддаларига мувофиқ Марказий сайлов комиссияси

Қ А Р О Р Қ И Л А Д И :

1. Ўзбекистон Республикаси Марказий сайлов комиссиясининг 2018 йил 27 декабрдаги 898-сон қарорига асосан Марказий сайлов комиссияси Котибиятининг янги ташкилий-тузилмаси шакллантирилганлиги муносабати билан Ўзбекистон Республикаси Марказий сайлов комиссиясининг Котибияти низоми янги тахрирда иловага мувофиқ тасдиқлансин.

** илова берилмайди*

2. Ушбу қарор Ўзбекистон Республикаси Марказий сайлов комиссиясининг расмий веб-сайтида, шунингдек, бошқа манбаларда эълон қилинсин.

**Марказий сайлов комиссияси
Раиси**

М.АБДУСАЛОМОВ

*Тошкент шаҳри,
2019 йил 18 январь,
905-сон.*

**ЎЗБЕКИСТОН РЕСПУБЛИКАСИ
МАРКАЗИЙ САЙЛОВ КОМИССИЯСИНING
Қ А Р О Р И**

**ЎЗБЕКИСТОН РЕСПУБЛИКАСИДА САЙЛОВЧИЛАРNING
ЯГОНА ЭЛЕКТРОН РЎЙХАТИНИ ТУЗИШ, АНИҚЛАШТИРИШ
ВА САЙЛОВЛАРДА УНДАН ФОЙДАЛАНИШ ТАРТИБИНИ
ТАСДИҚЛАШ ТЎҒРИСИДА**

Сайловларни қонун талабларига тўла мос равишда ўтказиш, ягона ҳуқуқ амалиётини қўллаш, шунингдек, фуқароларнинг давлат ҳокимияти вакиллик органларига эркин сайлаш ва сайланиши билан боғлиқ конституциявий ҳуқуқларини рўёбга чиқаришда муносиб шарт-шароитлар яратиш ҳамда сайлов ўтказувчи сайлов комиссияларининг фаолиятини услубий жиҳатдан таъминлаш мақсадида Ўзбекистон Республикасининг «Ўзбекистон Республикаси Марказий сайлов комиссияси тўғрисида»ги Қонуни 5, 9, 10-моддалари, «Ўзбекистон Республикаси Олий Мажлисига сайлов тўғрисида»ги Қонуни 32, 33-моддалари ҳамда «Халқ депутатлари вилоят, туман ва шаҳар Кенгашларига сайлов тўғрисида»ги Қонуни 29, 30-моддалари шунингдек, Ўзбекистон Республикаси Президенти Ш.М.Мирзиёевнинг 2018 йил 4 октябрдаги «Сайлов жараёнига замонавий ахборот-коммуникация технологияларини жорий қилиш чора-тадбирлари тўғрисида»ги ПҚ–3961 сон қарори иловасининг 2-бандига мувофиқ Ўзбекистон Республикаси Марказий сайлов комиссияси

Қ А Р О Р Қ И Л А Д И :

1. Ўзбекистон Республикаси Марказий сайлов комиссияси томонидан ишлаб чиқилган **«Ўзбекистон Республикасида Сайловчиларнинг ягона электрон рўйхатини тузиш, аниқлаштириш ва сайловларда ундан фойдаланиш тартиби»** иловага асосан тасдиқлансин.

2. «Ўзбекистон Республикасида Сайловчиларнинг ягона электрон рўйхатини тузиш, аниқлаштириш ва сайловларда ундан фойдаланиш тартиби» Ахборот технологиялари ва коммуникацияларини ривожлантириш, Ички ишлар, Ташқи ишлар, Адлия, Мудофаа вазирликларига, Бош прокуратурага, Давлат солиқ ва «Ергеодезкадастр» давлат қўмиталарига, Қорақалпоғистон Республикаси Вазирлар Кенгаши, вилоятлар, Тошкент шаҳри, туман ва шаҳарлар ҳокимликларига амалиётда тўғри, тизимли ҳамда самарали ижро этиш учун юборилсин.

3. Марказий сайлов комиссияси, Ахборот технологиялари ва коммуникацияларини ривожлантириш, Олий ва ўрта махсус таълим вазирликлари ҳамда

Қорақалпоғистон Республикаси Вазирлар Кенгаши, вилоятлар, Тошкент шаҳри, туман ва шаҳарлар ҳокимликлари ҳамкорликда 2019 йил:

– 1 мартга қадар сайлов комиссиялари вакиллари (операторлар)ни Сайлов жараёнини бошқариш ахборот тизими (бундан буён матнда СЖБАТ деб юритилади) билан ишлашга ўқитиш учун ахборот-коммуникация технологиялари соҳаси мутахассислари (тренерлар)ни Қорақалпоғистон Республикаси, вилоятлар, Тошкент шаҳри бўйича (ҳар бир ҳудудга 150 нафардан) белгилаш;

– 1 майга қадар тренерлар ҳақидаги маълумотларни СЖБАТ дастурига киритиш;

– 1 июндан сайлов қонунчилиги ва замонавий ахборот технологиялари бўйича Ўзбекистон Республикаси Сайловчиларнинг ягона электрон рўйхати (бундан буён матнда – СЯЭР деб юритилади) ахборот тизимидан фойдаланиш тартиб-қоидаларини сайлов ташкилотчиларига ва кенг жамоатчиликка тушунтириш мақсадида олимлар, мутахассислар, экспертлар ва амалиётчилар иштирокида давра суҳбатлари, семинар-тренинглар ташкил этиш ишларини амалга оширсинлар.

4. Ахборот технологиялари ва коммуникацияларини ривожлантириш вазирлигига Адлия вазирлиги, Ўзбекистон Миллий телерадио компанияси, Ўзбекистон электрон оммавий ахборот воситалари миллий ассоциацияси сайлов жараёни иштирокчиларига сайлов кампаниясининг асосий босқичларини ёритувчи, жумладан, сайловчилар ва сайлов ташкилотчиларини СЯЭРдаги сайловчилар рўйхати билан таништириш, муддатидан олдин ва сайлов куни овоз бериш тартиби бўйича услубий видеоматериаллар ва видеороликлар тайёрлаш бўйича амалий ёрдам кўрсатсинлар.

5. Мазкур қарор Ўзбекистон Республикаси Марказий сайлов комиссиясининг расмий веб-сайтида, шунингдек, бошқа манбаларда эълон қилинсин.

6. Ушбу қарорнинг ижросини назорат қилиш Ўзбекистон Республикаси Марказий сайлов комиссияси Раиси зиммасига юклансин.

**Марказий сайлов комиссияси
Раиси**

М.АБДУСАЛОМОВ

*Тошкент шаҳри,
2019 йил 1 февраль,
906-сон.*

*Ўзбекистон Республикаси
Марказий сайлов комиссиясининг
2019 йил 1 февралдаги
906-сон қарорига
ИЛОВА*

ЎЗБЕКИСТОН RESPUBLIKACIDA САЙЛОВЧИЛАРНИНГ ЯГОНА ЭЛЕКТРОН РЎЙХАТИНИ ТУЗИШ, АНИҚЛАШТИРИШ ВА САЙЛОВЛАРДА УНДАН ФОЙДАЛАНИШ ТАРТИБИ

Мазкур Тартиб Ўзбекистон Республикаси Сайловчиларининг ягона электрон рўйхатини (бундан буён матнда СЯЭР деб юритилади) шакллантириш, юритиш, янгилаш ва ундан фойдаланиш қоидаларини белгилайди.

1. Умумий қоидалар

1.1. Ушбу Тартиб Ўзбекистон Республикаси сайлов қонунчилиги, Ўзбекистон Республикаси Президентининг 2018 йил 4 октябрдаги «Сайлов жараёнига замонавий ахборот-коммуникация технологияларини жорий этиш чора-тадбирлари тўғрисида»ги ПҚ-3961 сон қарори, Ўзбекистон Республикаси Вазирлар Маҳкамасининг 2017 йил 15 августдаги «Ўзбекистон Республикаси Сайловчиларининг ягона электрон рўйхатини шакллантириш ва юритиш чора-тадбирлари тўғрисида»ги 630-сон қарори ҳамда бошқа норматив ҳуқуқий ҳужжатлар асосида амалга оширилади.

1.2. СЯЭР Ўзбекистон Республикасининг 18 ёшга тўлган, доимий ёки вақтинча турар жойга эга бўлган фуқаролари (бундан буён матнда сайловчи деб юритилади) киритиладиган давлат ахборот ресурси ҳисобланади. Рўйхат тузилаётган вақтда мазкур сайлов участкаси ҳудудида доимий ёки вақтинча истиқомат қилиб келаётган Ўзбекистон Республикасининг барча фуқаролари сайловчилар рўйхатига киритилади.

1.3. СЯЭР сайлов жараёнини бошқариш бўйича ахборот тизими (бундан буён матнда СЖБАТ деб юритилади) воситасида шакллантирилади ва унинг таркибига киради.

СЖБАТнинг асосий вазифалари:

- хавфсиз алоқа каналлари бўйича идоравий ахборот тизимлари ва маълумотлар базалари билан интеграциялаш орқали СЯЭРни шакллантириш жараёнини автоматлаштириш;
- СЯЭРга тузатиш киритиш имконияти билан сайлов участкалари бўйича сайловчиларни тақсимлаш воситаларини тақдим этиш;
- сайловчиларга ўз сайлов участкаларига оид ахборотлар билан танишишга ва сайлов участкасини ўзгартиришга сўровнома юбориш имконини бериш;

СЯЭРда сақланадиган маълумотлардан сайловчилар, сайлов ташкилотчилари фойдаланиши ва сайлов участкалари бўйича рўйхатларга қўшимча ва тузатишлар киритиш тартибларини белгилашдан иборат.

1.4. Ўзбекистон Республикаси Марказий сайлов комиссияси СЖБАТ ва унинг таркибига кирувчи СЯЭРнинг эгаси ҳисобланади.

1.5. Ҳарбий қисмлар жойлашган ҳудудда истиқомат қилувчи ҳарбий хизматчилар, шунингдек уларнинг оила аъзолари ва бошқа сайловчиларнинг рўйхати ҳарбий қисмларнинг командирлари томонидан тақдим этилган маълумотлар асосида СЯЭРга киритилади.

1.6. Ўзбекистон Республикасининг хорижий давлатлардаги ваколатхоналари ҳузурида, санаторий ва дам олиш уйларида, касалхоналарда ҳамда бошқа стационар даволаш муассасаларида, фуқароларнинг олис ва бориш қийин бўлган туманлардаги турар жойларида, қамокда сақлаш жойларида ташкил этилган сайлов участкалари бўйича сайловчилар рўйхати ушбу муассасалар раҳбарлари тақдим этган маълумотлар асосида участка сайлов комиссияси томонидан тузилади. Бу ҳақида СЯЭРга маълумотлар киритилади.

1.7. Ҳар бир сайлов участкасида сайловчиларнинг рўйхатлари сайловга ўн беш кун қолганида, Ўзбекистон Республикасининг хорижий давлатлардаги ваколатхоналари ҳузурида, санаторийлар ва дам олиш уйларида, касалхоналар ва бошқа стационар даволаш муассасаларида, олис ва бориш қийин бўлган ерларда, қамокда сақлаш ва озодликдан маҳрум этиш жойларида ташкил этилган сайлов участкалари бўйича сайловчилар рўйхати ушбу муассасалар раҳбарлари тақдим этган маълумотлар асосида участка сайлов комиссияси томонидан тузилади. Бу ҳақида СЯЭРга маълумотлар киритилади.

2. СЖБАТ оператори

2.1. Ўзбекистон Республикаси Ахборот технологиялари ва коммуникацияларини ривожлантириш вазирлиги СЖБАТ оператори (бундан буён матнда Оператор деб юритилади) ҳисобланади.

Операторнинг асосий вазифалари:

- СЖБАТни яратиш, янада такомиллаштириш ва унга техник хизмат кўрсатиш;
- СЖБАТнинг самарали ва узлуксиз ишлашини таъминлаш;
- СЖБАТни идоравий ахборот тизимлари ва маълумотлар базалари билан интеграциялаш;
- СЖБАТнинг ахборот хавфсизлигини таъминлаш чора-тадбирларини амалга оширишдан иборат.

3. СЯЭРни шакллантириш тартиби

3.1. СЯЭР Ўзбекистон Республикаси Вазирлар Маҳкамаси ҳузуридаги Давлат персоналлаштириш маркази (бундан буён матнда ДПМ деб юритилади) томонидан ушбу Тартибнинг 1.2-бандига мувофиқ тақдим этиладиган сайловчилар тўғрисидаги маълумотлар ҳисобланади.

3.2. СЯЭР сайловлар даврида сайловчилар рўйхатларини аниқлаштириш орқали сайлов комиссиялари томонидан тақдим этиладиган маълумотлар асосида ўзгартирилади ва янгилаб борилади.

3.3. СЯЭР бир йилда бир марта, (*февраль ва март ойларида*) сайловлар даврида эса Марказий сайлов комиссияси (бундан буён матнда МСК деб юритилади) томонидан ДПМ ва Оператор билан келишилган ҳолда сайловлардан 90 кун олдин қўшимча тарзда янгиланади.

3.4. Қуйидаги давлат органлари (бундан буён матнда ваколатли органлар деб юритилади) ДПМга тегишли электрон шаклдаги маълумотларни тақдим этади:

- а) Ўзбекистон Республикаси Ички ишлар вазирлиги:
 - фуқароларнинг доимий ёки вақтинча яшаш манзили тўғрисидаги;
 - Ўзбекистон Республикаси фуқаролигига қабул қилинган ва фуқаролиги белгиланган тартибда тугатилган шахслар тўғрисидаги;
 - жазони ижро этиш муассасаларида жазони ўтаётган маҳкумлар тўғрисида;
 - жазони ижро этиш муассасаларидан озод этилган шахслар;
 - вазирлик тизимидаги таълим муассасаларида таълим олаётган фуқаролар тўғрисидаги;
 - муддатли ҳарбий хизматни ўтаётган ва вазирлик тизими ҳарбий қисмларидаги фуқаролар тўғрисидаги.
- б) Ўзбекистон Республикаси Адлия вазирлиги:
 - фуқароларнинг туғилиши ва ўлимини рўйхатга олиш тўғрисидаги.
- в) Ўзбекистон Республикаси Мудофаа вазирлиги:
 - вазирлик тизимидаги ҳарбий таълим муассасаларида таълим олаётган фуқаролар тўғрисидаги;
 - муддатли ҳарбий хизматни ўтаётган ва ҳарбий қисмлардаги фуқаролар тўғрисидаги.
- г) Ўзбекистон Республикаси Ташқи ишлар вазирлиги:
 - консуллик реестрига кирган республикадан ташқарида яшовчи сайловчилар тўғрисидаги маълумотлар тегишли дипломатик ваколатхоналар ва консуллик муассасалари раҳбарлари томонидан тузилади ва Ўзбекистон Республикаси Ташқи ишлар вазирлиги орқали Операторга маълумотларни электрон шаклда тақдим этадилар.

3.5. Масъул идоралар ушбу Тартибнинг 3.5-бандига мувофиқ ДПМга жисмоний шахснинг идентификация рақамини (у мавжуд бўлмаганда – Ўзбекистон Республикаси фуқароси паспортининг серия ва рақамини), фамилияси, исми ва отасининг исмини кўрсатган ҳолда, фуқароларнинг яшаш жойи (хорижий давлатлар ва Ўзбекистон Республикаси ҳудудлари) тўғрисидаги маълумотларни ДПМ ва Оператор билан келишиб, маълумотлар электрон шаклда тақдим этилади.

4. ДПМнинг ваколат ва вазифалари

4.1. Тартибнинг 3.5–3.6 бандларига мувофиқ ваколатли органлардан фуқаролар тўғрисидаги маълумотларни олиш.

4.2. Ваколатли органлардан келган маълумотни идентификациялаш.

4.3. Тартибнинг 4.4-бандига мувофиқ сайловчилар тўғрисидаги маълумотларни электрон шаклда Операторга тақдим этиш.

4.4. СЯЭРни янгилаш мақсадида Операторга сайловчилар тўғрисидаги маълумотларни рўйхат ва жадвал асосида қуйидагиларни кўрсатган ҳолда электрон шаклда:

- жисмоний шахснинг шахсий идентификация рақамини (мавжуд бўлганда);
- Ўзбекистон Республикаси фуқаросининг паспорти серияси ва рақамини;
- Ўзбекистон Республикаси фуқаросининг паспортида ўзбек ва инглиз тилларида акс этган фамилияси, исми ва отасининг исмини;
- Ўзбекистон Республикаси фуқаросининг паспорти бўйича туғилган санасини (кун, ой, йил);
- Ўзбекистон Республикаси фуқаросининг яшаш жойи манзилларини кадастр рақамларига мувофиқ ҳолда тақдим этиш.

5. СЯЭРдан фойдаланиш тартиби

5.1. Қорақалпоғистон Республикаси Марказий сайлов комиссияси, вилоятлар, туман ва шаҳарлар, округ ва участка сайлов комиссиялари СЖБАТдаги тегишли ҳудуд бўйича СЯЭРдан фойдаланиш имкониятига эгадирлар.

5.2. МСК ва тегишли сайлов комиссияларининг СЖБАТдан фойдаланиш имкониятлари «Электрон ҳукумат» тизимининг маълумотлар узатиш тармоғи орқали амалга оширилади.

5.3. СЖБАТда тегишли сайлов комиссияси аъзоси ёки масъул ходимлари идентификация ахборот тизими орқали фойдаланадилар (*СЯЭРда сайловчиларни аниқлаш, лозим ҳолда маълумотларга ўзгартириш ёки қўшимча киритиш, сайловчилар рўйхатини қозоғга чоп этиш*).

5.4. Сайлов участкалари тўғрисидаги маълумотларни СЖБАТга киритиш, уларнинг чегаралари доирасида кўчаларни ва уйларни белгилаш ҳамда сай-

ловчиларнинг умумий рўйхатини сайлов участкаларига автоматик равишда тақсимлаш Қорақалпоғистон Республикаси Марказий сайлов комиссияси, вилоятлар, туман ва шаҳар сайлов комиссиялари ҳузурида ташкил этилган ишчи гуруҳ томонидан сайловлардан 75 кун олдин амалга оширилади.

5.5. Ишчи гуруҳ таркиби тегишли сайлов комиссияси аъзолари, ҳокимият, ички ишлар, прокуратура, «Ермулккадастр» ҳамда солиқ инспекцияси вакилларидан иборат бўлади.

5.6. Қорақалпоғистон Республикаси Марказий сайлов комиссияси, вилоят, туман ва шаҳар сайлов комиссиялари ҳузурида ташкил этилган ишчи гуруҳларига участка сайлов комиссияси томонидан тегишли ҳудудда яшовчи сайловчилар тўғрисидаги маълумотларнинг тўғрилигини хонадонма-хонадон айланиб чиқиш жараёнида аниқланган сайловчилар рўйхатидаги камчиликларни, ноаниқликларни баратараф этиш учун СЯЭРга ўзгартириш киритиш ва уни юклаб олиш имконияти яратилади.

5.7. СЯЭРга ўзгартириш ва қўшимчалар киритиш сайловлардан 15 кун олдин бошланади ва 3 кун олдин тўхтатилади.

5.8. Сайловчилар рўйхатида хато ва ноаниқликлар аниқланган тақдирда ҳар бир фуқаро тегишли сайлов комиссиясига мурожаат этишга ҳақли. Сайлов комиссияси сайловчилар рўйхатига киритилмаганлиги, нотўғри киритилганлиги ёки рўйхатдан чиқариб ташланиши, шунингдек, рўйхатда сайловчи тўғрисидаги маълумотлар кўрсатилишида йўл қўйилган ноаниқликлар устидан қоғозли ёзма ва электрон ёзма шикоятларни ўрганиб чиқиб, ўзгартирилиши лозим бўлган сайловчилар ҳақидаги маълумотларни Қорақалпоғистон Республикаси Марказий сайлов комиссияси, вилоят, туман ва шаҳар сайлов комиссиялари ҳузурида ташкил этилган ишчи гуруҳига тақдим этадилар.

5.9. Муддатидан олдин овоз берган сайловчилар ҳақидаги маълумотларни СЖБАТга киритиш участка сайлов комиссиялари томонидан амалга оширилади.

5.10. Сайловлардан 3 кун олдин Қорақалпоғистон Республикаси Марказий сайлов комиссияси, вилоят ва Тошкент шаҳар сайлов комиссиялари ҳудудий ҳокимликлар ёрдамида сайловчилар рўйхатини хато ва ноаниқликларни баратараф этган ҳолда чоп этади ва участка сайлов комиссияларига етказилишини таъминлайдилар.

6. Сайловчилар рўйхати бўйича юзага келган низоларни ҳал қилиш

6.1. Фуқаролар сайловчилар рўйхати билан участка сайлов комиссиясининг биносидан ва Марказий сайлов комиссиясининг расмий веб-сайтида танишишлари мумкин.

6.2. Тегишли сайлов комиссияси сайловчи томонидан келиб тушган сайловчилар рўйхатидаги хато ва ноаниқликлар бўйича мурожаатни ўрганиб чиқади. Улар:

- фуқарони сайловчилар рўйхатига киритиш;
- фуқарони сайловчилар рўйхатидан чиқариш;
- сайловчилар рўйхатига тузатиш киритиш;
- сайловчилар рўйхатини ўзгаришсиз қолдириш тўғрисида қарор қабул қилиш ҳуқуқига эга.

6.3. Сайловчилар рўйхатига киритиш учун асослар:

- сайловчининг тегишли сайлов участкаси ҳудудида доимий ёки вақтинча яшаши;
- ёши 18 га тўлганлиги.

6.4. Сайловчилар рўйхатидан чиқариш учун асослар:

- участка сайлов комиссиясининг мазкур участка ҳудудида вақтинча яшовчи фуқарони сайловчилар рўйхатига киритиш ва ушбу фуқарони унинг доимий яшаш жойи бўйича сайловчилар рўйхатидан чиқариб ташлаш зарурати бўлса;
- сайловчининг бошқа доимий ёки вақтинча яшаш жойига жўнаб кетиши ва овоз бериш куни сайлов участкаси ҳудудида унинг ҳозир бўлмаслиги.

6.5. Сайловчилар рўйхатига тузатишлар киритиш учун асослар:

- сайловчи фамилияси, исми ва отасининг исми ўзгарганда ёки хатолик аниқланганда;
- сайловчилар рўйхатида мавжуд бўлган бошқа ноаниқликлар ёки хатолар.

7. СЯЭР орқали сайловларда қатнашиш

7.1. Сайловчи участка сайлов комиссияси аъзосига Ўзбекистон Республикаси фуқаролик паспортини кўрсатгач, комиссия аъзоси томонидан СЯЭР электрон дастуридан фойдаланган ҳолда, сайловчи у ёки бу сайлов участкасига тегишлилигини ҳамда ушбу сайлов участкасида рўйхатда бор ёки йўқлигини аниқлайди. *(Ушбу вазифани амалга ошириш учун участка сайлов комиссиясида СЯЭР электрон дастури талабларига жавоб берувчи камида иккита компьютер бўлиши керак ва бунда участка сайлов комиссиясига ёрдам берувчи операторлар, техник ходимлардан ҳам фойдаланиши мумкин).*

7.2. Аниқлик киритилгач, агар сайловчи ушбу сайлов участкасига тегишли бўлса, уни дастурда белгилаб, сайловчига овоз бериш мумкинлигини тушунтиради. Сайловчи участка сайлов комиссияси азосидан бюллетен олишидан олдин сайловчилар рўйхатига имзо қўяди ҳамда сайлов бюллетенини овоз бериш учун олади.

7.3. Саломатлигининг яхши эмаслиги ёки бошқа сабабларга кўра овоз бериш биносига кела олмайдиган сайловчи томонидан келиб тушган мурожаат ўрганиб чиқилади ва СЯЭР электрон дастури орқали аниқлик киритилади ҳамда Ўзбекистон Республикаси Сайлов кодексининг тегишли нормаларига мувофиқ, айрим сайловчиларнинг саломатлиги яхши эмаслиги ёки бошқа сабабларга кўра овоз бериш биносига кела олмаган ҳолларда участка сайлов комиссияси уларнинг илтимосига кўра комиссиянинг камида икки аъзоси иштирокида ушбу сайловчилар турган жойда овоз беришни ташкил этади, шундан сўнг, участка сайлов комиссияси аъзолари сайловчининг овоз берганлиги ҳақида СЯЭР электрон дастурида қайд этадилар.

8. Яқуний қоидалар

8.1. Мазкур тартибга ўзгартиришлар ва қўшимчалар киритиш тўғрисидаги таклифлар МСК мажлисида кўриб чиқилади.

8.2. Ўзбекистон Республикасида Сайловчиларнинг ягона электрон рўйхатини тузиш, аниқлаштириш ва сайловларда ундан фойдаланиш тартиби қабул қилинган кундан эътиборан кучга киради.

**ЎЗБЕКИСТОН РЕСПУБЛИКАСИ
МАРКАЗИЙ САЙЛОВ КОМИССИЯСИНИНГ
ҚАРОРИ**

**САМАРҚАНД ВИЛОЯТИДА БЎШАБ ҚОЛГАН ЎРИНГА
ЎЗБЕКИСТОН РЕСПУБЛИКАСИ ОЛИЙ МАЖЛИСИНИНГ
СЕНАТИ АЪЗОСИ САЙЛОВИ БЎЙИЧА БЎЛИБ ЎТГАН ҚЎШМА
МАЖЛИСДА САЙЛАНГАН Э.ТУРДИМОВНИ ЎЗБЕКИСТОН
РЕСПУБЛИКАСИ ОЛИЙ МАЖЛИСИНИНГ СЕНАТИ АЪЗОСИ
ЭТИБ РЎЙХАТГА ОЛИШ ТЎҒРИСИДА**

«Ўзбекистон Республикаси Олий Мажлисига сайлов тўғрисида»ги Ўзбекистон Республикаси Қонунининг 58, 61-моддаларига ва «Ўзбекистон Республикаси Марказий сайлов комиссияси тўғрисида»ги Ўзбекистон Республикаси Қонунининг 5, 9-моддаларига мувофиқ Ўзбекистон Республикаси Марказий сайлов комиссияси

ҚАРОР ҚИЛАДИ:

1. Самарқанд вилояти давлат ҳокимияти вакиллик органлари депутатларининг бўшаб қолган ўринга Ўзбекистон Республикаси Олий Мажлисининг Сенати аъзоси сайлови бўйича 2019 йил 25 январь куни ўтказилган қўшма мажлиси баённомасига асосан Эркинжон Оқбўтаевич Турдимов Ўзбекистон Республикаси Олий Мажлисининг Сенати аъзоси этиб рўйхатга олинсин.

2. Мазкур қарор Ўзбекистон Республикаси Олий Мажлиси Сенатига ҳамда халқ депутатлари Самарқанд вилояти Кенгашига юборилсин.

3. Ушбу қарор Ўзбекистон Республикаси Марказий сайлов комиссиясининг расмий веб-сайтида, шунингдек, бошқа манбаларда эълон қилинсин.

**Марказий сайлов комиссияси
Раиси**

М.АБДУСАЛОМОВ

*Тошкент шаҳри,
2019 йил 1 февраль,
907-сон.*

**ЎЗБЕКИСТОН РЕСПУБЛИКАСИ
МАРКАЗИЙ САЙЛОВ КОМИССИЯСИНИНГ
Қ А Р О Р И**

**ТОШКЕНТ ВИЛОЯТИДА БЎШАБ ҚОЛГАН ЎРИНГА ЎЗБЕКИСТОН
РЕСПУБЛИКАСИ ОЛИЙ МАЖЛИСИНИНГ СЕНАТИ АЪЗОСИ
САЙЛОВИНИ ЎТКАЗИШ ТЎҒРИСИДА**

«Ўзбекистон Республикаси Олий Мажлисига сайлов тўғрисида»ги Ўзбекистон Республикаси Қонунининг 61-моддаси ва «Ўзбекистон Республикаси Марказий сайлов комиссияси тўғрисида»ги Ўзбекистон Республикаси Қонунининг 5-моддасига мувофиқ Ўзбекистон Республикаси Марказий сайлов комиссияси

Қ А Р О Р Қ И Л А Д И :

1. Тошкент вилояти давлат ҳокимияти вакиллик органлари депутатларининг бўшаб қолган ўринга Ўзбекистон Республикаси Олий Мажлисининг Сенати аъзоси сайлови бўйича қўшма мажлиси 2019 йил 16 февраль куни соат 10:00да Чирчиқ шаҳридаги «Кимёгарлар» маданият саройи биносида ўтказилсин.

2. Мазкур қарор халқ депутатлари Тошкент вилояти Кенгашига ижро учун юборилсин.

3. Ушбу қарор Ўзбекистон Республикаси Марказий сайлов комиссиясининг расмий веб-сайтида, шунингдек, бошқа манбаларда эълон қилинсин.

**Марказий сайлов комиссияси
Раиси**

М.АБДУСАЛОМОВ

*Тошкент шаҳри,
2019 йил 12 февраль,
908-сон.*

ЎЗБЕКИСТОН РЕСПУБЛИКАСИ МАРКАЗИЙ САЙЛОВ КОМИССИЯСИ

**ЎЗБЕКИСТОН РЕСПУБЛИКАСИ АХБОРОТ ТЕХНОЛОГИЯЛАРИ
ВА КОММУНИКАЦИЯЛАРИНИ РИВОЖЛАНТИРИШ ВАЗИРЛИГИ**

**ЎЗБЕКИСТОН РЕСПУБЛИКАСИ ОЛИЙ ВА
ЎРТА МАХСУС ТАЪЛИМ ВАЗИРЛИГИ
ҚЎШМА ҚАРОРИ**

**ҲУДУДИЙ ТРЕНЕРЛАР, ТУМАН ВА ШАҲАР ТРЕНЕРЛАРИ,
ШУНИНГДЕК, САЙЛОВ КОМИССИЯЛАРИ ВАКИЛЛАРИНИНГ
САЙЛОВ ЖАРАЁНИНИ БОШҚАРИШ АХБОРОТ ТИЗИМИДАН
Фойдаланиш ва уни жорий қилишни амалга ошириш
ЮЗАСИДАН ЎҚУВЛАРИНИ ТАШКИЛ ЭТИШ БЎЙИЧА
РЕЖА-ГРАФИКНИ ТАСДИҚЛАШ ТЎҒРИСИДА**

Ўзбекистон Республикаси Президентининг 2018 йил 4 октябрдаги «Сайлов жараёнига замонавий ахборот коммуникация технологияларини жорий этиш чора-тадбирлари тўғрисида»ги ПҚ–3961-сон қарори билан тасдиқланган Сайловчиларнинг ягона электрон рўйхатини шакллантириш ва ундан фойдаланиш тизимини янада такомиллаштириш чора-тадбирлари дастурини ижро этиш, шунингдек, Сайлов жараёнини бошқариш ахборот тизими (бундан буён матнда СЖБАТ деб юритилади) билан ишлашни ўргатувчи ҳудудий тренерларни тайёрлаш мақсадида Ўзбекистон Республикаси Марказий сайлов комиссияси, Ўзбекистон Республикаси Ахборот технологиялари ва коммуникацияларини ривожлантириш, Ўзбекистон Республикаси Олий ва ўрта махсус таълим вазирликлари

Қ А Р О Р Қ И Л А Д И :

1. Ҳудудий тренерлар, туман ва шаҳар тренерлари, шунингдек, сайлов комиссиялари вакилларининг СЖБАТдан фойдаланиш ва уни жорий қилишни амалга ошириш юзасидан ўқувларини ташкил этиш бўйича режа-график иловага мувофиқ тасдиқлансин.
2. Ахборот технологиялари ва коммуникацияларини ривожлантириш, Ўзбекистон Республикаси Олий ва ўрта махсус таълим вазирликлари Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда:

– 2019 йил 1 мартга қадар сайлов комиссиялари вакиллари (СЖБАТ операторларини) СЖБАТ билан ишлашга ўқитиш учун ахборот-коммуникация технологиялари соҳаси мутахассисларини (тренерларини) минтақалар бўйича белгилаш (ҳар бир вилоят учун 150 нафар);

– 2019 йил 1 майга қадар тренерлар ҳақидаги маълумотларни СЖБАТга киритишни амалга оширсинлар.

3. Ўзбекистон Республикаси Ахборот технологиялари ва коммуникацияларини ривожлантириш вазирлиги 2019 йил 1 июлга қадар ахборот-коммуникация технологиялари соҳаси мутахассислари (тренерлари)ни СЖБАТ билан ишлашга ўқитиш ишларининг амалга оширилишини таъминласин.

4. Қорақалпоғистон Республикаси Вазирлар Кенгаши, вилоят ва Тошкент шаҳар ҳокимликларига:

– 2019 йил 20 мартга қадар округ ва участка сайлов комиссиялари (ОСК, УСК), уларнинг аъзолари, шунингдек, сайлов комиссияси аъзолигига номзодлари ҳақидаги маълумотни киритиш бўйича камида 10 та компьютер ажратилган ва узлуксиз интернет тармоғига уланган штаблар ташкил этиш;

– 2019 йил 1 майга қадар Ўзбекистон Республикаси Ахборот технологиялари ва коммуникацияларини ривожлантириш вазирлиги ҳамда Ўзбекистон Республикаси Олий ва ўрта махсус таълим вазирлиги сўровига биноан сайлов комиссиялари вакиллари СЖБАТ билан ишлашга ўқитиш учун керакли хоналар ва компьютер жихозлари билан таъминлаш вазифалари топширилсин.

5. Мазкур қарор ижросини назорат қилиш Ўзбекистон Республикаси Марказий сайлов комиссияси Раиси М.Абдусаломов зиммасига юклансин.

**Ўзбекистон Республикаси
Марказий сайлов комиссияси Раиси**

М.АБДУСАЛОМОВ

**Ўзбекистон Республикаси
Ахборот технологиялари ва
коммуникацияларини
ривожлантириш вазири**

Ш.САДИКОВ

**Ўзбекистон Республикаси Олий
ва ўрта махсус таълим вазири**

И.МАДЖИДОВ

*Тошкент шаҳри,
2019 йил 12 февраль,
909-сон.*

**ЎЗБЕКИСТОН РЕСПУБЛИКАСИ
МАРКАЗИЙ САЙЛОВ КОМИССИЯСИНИНГ
Қ А Р О Р И**

**ТОШКЕНТ ВИЛОЯТИДА БЎШАБ ҚОЛГАН ЎРИНГА
ЎЗБЕКИСТОН РЕСПУБЛИКАСИ ОЛИЙ МАЖЛИСИНИНГ СЕНАТИ
АЪЗОСИ САЙЛОВИ БЎЙИЧА БЎЛИБ ЎТГАН ҚЎШМА МАЖЛИСДА
САЙЛАНГАН Г.РИХСИЕВАНИ ЎЗБЕКИСТОН РЕСПУБЛИКАСИ
ОЛИЙ МАЖЛИСИНИНГ СЕНАТИ АЪЗОСИ ЭТИБ РЎЙХАТГА ОЛИШ
ТЎҒРИСИДА**

«Ўзбекистон Республикаси Олий Мажлисига сайлов тўғрисида»ги Ўзбекистон Республикаси Қонунининг 58, 61-моддаларига ва «Ўзбекистон Республикаси Марказий сайлов комиссияси тўғрисида»ги Ўзбекистон Республикаси Қонунининг 5, 9-моддаларига мувофиқ Ўзбекистон Республикаси Марказий сайлов комиссияси

Қ А Р О Р Қ И Л А Д И :

1. Тошкент вилояти давлат ҳокимияти вакиллик органлари депутатларининг бўшаб қолган ўринга Ўзбекистон Республикаси Олий Мажлисининг Сенати аъзоси сайлови бўйича 2019 йил 16 февраль куни ўтказилган қўшма мажлиси баённомасига асосан Гулчехра Шовкатовна Рихсиева Ўзбекистон Республикаси Олий Мажлисининг Сенати аъзоси этиб рўйхатга олинсин.

2. Мазкур қарор Ўзбекистон Республикаси Олий Мажлиси Сенатига ҳамда халқ депутатлари Тошкент вилояти Кенгашига юборилсин.

3. Ушбу қарор Ўзбекистон Республикаси Марказий сайлов комиссиясининг расмий веб-сайтида, шунингдек, бошқа манбаларда эълон қилинсин.

**Марказий сайлов комиссияси
Раиси**

М.АБДУСАЛОМОВ

*Тошкент шаҳри,
2019 йил 19 февраль,
910-сон.*

**ЎЗБЕКИСТОН РЕСПУБЛИКАСИ
МАРКАЗИЙ САЙЛОВ КОМИССИЯСИНИНГ
ҚАРОРИ**

**ЎЗБЕКИСТОН РЕСПУБЛИКАСИ ОЛИЙ МАЖЛИСИНИНГ СЕНАТИ
АЪЗОСИ М.УСМАНОВНИНГ СЕНАТОРЛИК ВАКОЛАТИНИ
МУДДАТИДАН ИЛГАРИ ТУГАТИШ
ТЎҒРИСИДА**

«Ўзбекистон Республикаси Олий Мажлиси Қонунчилик палатаси депутатининг ва Сенати аъзосининг мақоми тўғрисида»ги Ўзбекистон Республикаси Қонунининг 4-моддаси ҳамда «Ўзбекистон Республикаси Марказий сайлов комиссияси тўғрисида»ги Ўзбекистон Республикаси Қонунининг 5, 9-моддаларига мувофиқ Ўзбекистон Республикаси Марказий сайлов комиссияси

ҚАРОР ҚИЛАДИ:

1. Ўзбекистон Республикаси Президентининг «Ўзбекистон Республикаси Олий Мажлисининг Сенати аъзоларини тайинлаш тўғрисида»ги 2015 йил 20 январдаги ПФ–4698-сон Фармониغا асосан Ўзбекистон Республикаси Олий Мажлиси Сенати аъзоси этиб тайинланган Мираброр Зуфарович Усманов вафот этганлиги муносабати билан унинг сенаторлик ваколати муддатидан илгари тугатилган деб ҳисоблансин.

2. Мазкур қарор Ўзбекистон Республикаси Олий Мажлисининг Сенатига юборилсин.

3. Ушбу қарор Ўзбекистон Республикаси Марказий сайлов комиссиясининг расмий веб-сайтида, шунингдек, бошқа манбаларда эълон қилинсин.

**Марказий сайлов комиссияси
Раиси**

М.АБДУСАЛОМОВ

*Тошкент шаҳри,
2019 йил 3 апрель,
911-сон.*

**ЎЗБЕКИСТОН РЕСПУБЛИКАСИ
МАРКАЗИЙ САЙЛОВ КОМИССИЯСИНИНГ
ҚАРОРИ**

**ЎЗБЕКИСТОН РЕСПУБЛИКАСИ ОЛИЙ МАЖЛИСИ
ҚОНУНЧИЛИК ПАЛАТАСИ ДЕПУТАТИ Ж.НИЯЗОВАНИНГ
ДЕПУТАТЛИК ВАКОЛАТИНИ МУДДАТИДАН ИЛГАРИ ТУГАТИШ
ТЎҒРИСИДА**

«Ўзбекистон Республикаси Олий Мажлиси Қонунчилик палатаси депутатининг ва Сенати аъзосининг мақоми тўғрисида»ги Ўзбекистон Республикаси Қонунининг 4-моддаси ҳамда «Ўзбекистон Республикаси Марказий сайлов комиссияси тўғрисида»ги Ўзбекистон Республикаси Қонунининг 5, 9-моддаларига мувофиқ Ўзбекистон Республикаси Марказий сайлов комиссияси

ҚАРОР ҚИЛАДИ:

1. 8-Ақманғит сайлов округидан сайланган Ўзбекистон Республикаси Олий Мажлиси Қонунчилик палатасининг депутати Жамиля Абдукадировна Ниязова вафот этганлиги муносабати билан унинг депутатлик ваколати муддатидан илгари тугатилган деб ҳисоблансин.

2. Мазкур қарор Ўзбекистон Республикаси Олий Мажлиси Қонунчилик палатаси ва Қорақалпоғистон Республикаси Жўқорғи Кенгесига юборилсин.

3. Ушбу қарор Ўзбекистон Республикаси Марказий сайлов комиссиясининг расмий веб-сайтида, шунингдек, бошқа манбаларда эълон қилинсин.

**Марказий сайлов комиссияси
Раиси**

М.АБДУСАЛОМОВ

*Тошкент шаҳри,
2019 йил 3 апрель,
912-сон.*

**ЎЗБЕКИСТОН РЕСПУБЛИКАСИ
МАРКАЗИЙ САЙЛОВ КОМИССИЯСИНИНГ
Қ А Р О Р И**

**2019 ЙИЛДА ЎЗБЕКИСТОН РЕСПУБЛИКАСИ ОЛИЙ МАЖЛИСИ,
ХАЛҚ ДЕПУТАТЛАРИ ВИЛОЯТ, ТУМАН ВА ШАҲАР КЕНГАШЛАРИ
САЙЛОВИГА ТАЙЁРГАРЛИК КЎРИШ БЎЙИЧА АСОСИЙ
ТАДБИРЛАР ДАСТУРИНИ ТАСДИҚЛАШ
ТЎҒРИСИДА**

Ўзбекистон Республикаси Конституциясининг 117-моддасига мувофиқ 2019 йил декабрда Ўзбекистон Республикаси Олий Мажлиси, халқ депутатлари вилоят, туман ва шаҳар Кенгашларига умумхалқ сайловлари бўлиб ўтади.

Ўзбекистон Республикаси Президенти Ш.М.Мирзиёев 2017 йил 22 декабрдаги Олий Мажлисга Мурожаатномасида «...2019 йилда ҳокимиятнинг вакиллик органларига бўлиб ўтадиган сайловларга тайёргарлик кўриш бўйича тадбирлар дастурини ишлаб чиқишга ҳозирдан киришиш керак. Дастурда мазкур сиёсий жараён янада ошкоралик руҳида ўтишини таъминлайдиган янги, илғор амалиётни жорий этишга алоҳида эътибор қаратиш зарур», деб таъкидлаган эди.

Мамлакатимизда сайлов тизимини ислоҳ қилиш, уни янада демократлаштириш, халқаро андоза ҳамда принципларга мослаштириш, фуқароларга қулайлик ва эркинлик яратиш бўйича тизимли ишлар олиб борилмоқда.

Ўзбекистон Республикасида сайловларни ташкил этиш ва ўтказиш жараёнида қонунийликни таъминлаш орқали сайловчиларнинг ўз хоҳиш-иродасини эркин ифода этиши учун зарур шарт-шароитлар яратилган.

Шу мақсадда, сайловларга тайёргарлик кўриш ҳамда уни ўтказишни сайлов комиссиялари томонидан очиқ ва ошқора амалга оширилиши, сиёсий партияларга, депутатликка номзодларга ўз сайловолди дастурларини жамоатчиликка етказиш учун оммавий ахборот воситаларидан фойдаланишда кенг ва тенг имкониятлар яратиб берилиши, сайлов тўғрисидаги қонунчиликнинг тартиб-таомилларини кенг халқ оммасига тушунтириш, аҳолининг сайлов жараёнидан хабардорлигини оширишга қаратилган тарғибот-ташвиқот ишларининг йўлга қўйилаётганлиги, мамлакатимизда аёлларнинг сайлов жараёнидаги иштирокини фаоллаштириш учун Ўзбекистон қонун ҳужжатларида сиёсий партиялардан номзод кўрсатишда хотин-қизлар учун 30 фоизлик гендер квотаси белгиланганлиги ҳамда сайловчиларнинг ягона электрон рўйхатини шакллантириш ҳам

мамлакатимиз сайлов тизимининг демократик принциплар асосида ташкил этилишига ўз ҳиссасини қўшади.

2017–2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясидан келиб чиққан ҳолда сайлов қонунчилиги ва амалиётини такомиллаштириш ишлари амалга оширилди. Бу соҳада халқаро ташкилотлар ва экспертларнинг хулосалари олинди.

Сайлов жараёнларига ахборот коммуникация технологияларини жорий қилиш бўйича хорижий тажриба ҳам батафсил ўрганилиб, ривожланган демократик давлатларнинг сайлов қонунчилиги ва амалиёти хусусан, 20 дан зиёд нафақат Ғарбий Европа, балки Шарқий Осиё ва МДХ мамлакатларининг тажрибаси ҳам таҳлил қилинди. Европада Хавфсизлик ва Ҳамкорлик Ташкилоти, Венеция комиссияси, Шанхай Ҳамкорлик Ташкилоти, Мустақил Давлатлар Хамдўстлиги, Бутунжаҳон Сайлов Органлари Ассоциацияси ва бошқа халқаро ташкилотларнинг тавсиялари эътиборга олинди.

Ўзбекистон Республикаси Президентининг 2018 йил 4 октябрдаги «Сайлов жараёнига замонавий ахборот-коммуникация технологияларини жорий этиш чора-тадбирлари тўғрисида»ги ПҚ-3961-сон қарори ижросини таъминлаш мақсадида сайловчиларнинг ягона электрон рўйхатини жорий этиш, сайлов жараёнини бошқариш ахборот тизимини яратиш ва улардан фойдаланишда идоралараро ўзаро ҳамкорликни белгилашга доир тадбирлар амалга оширилди.

Ўзбекистон Республикаси Президентининг 2018 йил 6 ноябрдаги «Ўзбекистон Республикаси Марказий сайлов комиссиясининг фаолиятини такомиллаштириш бўйича ташкилий чора-тадбирлар тўғрисида»ги ПҚ-4004-сон қарорида Марказий сайлов комиссиясининг асосий йўналишлари, мақоми ва структураси белгиланиб, Марказий сайлов комиссияси таркибида сайлов қонунчилиги ва замонавий ахборот технологиялари бўйича Ўқув маркази ҳамда Ахборот технологиялари билан ишлаш бўлими ташкил этилди.

Шуни алоҳида таъкидлаш лозимки, мамлакатимизда изчиллик билан олиб борилаётган ижтимоий-сиёсий ислохотларга ҳамоҳанг равишда фуқароларимизнинг ҳуқуқий онги, маданияти, дунёқараши юксалиб бормокда. Қонун ижодкорлиги ишлари ва ҳуқуқни қўллаш амалиёти даражасини, сиёсий партиялар, депутатларнинг дастурий мақсадлари ва амалий фаолиятини баҳолашда сайловчиларимизнинг ижтимоий-сиёсий фаоллиги, талабчанлиги тобора ортиб бормокда.

Ўзбекистон Республикаси Олий Мажлиси, халқ депутатлари вилоят, туман ва шаҳар Кенгашларига 2019 йил декабрь ойида бўлиб ўтадиган сайловларга

тайёргарликни қонунчилик талабларига риоя этган ҳолда халқаро стандартларга мувофиқ равишда, уюшқоқлик билан ташкил этиш ва уни ўтказиш, шунингдек, фуқароларнинг давлат ҳокимияти вакиллик органларига эркин сайлаш ва сайланиши билан боғлиқ конституциявий ҳуқуқларини рўёбга чиқариш, сиёсий партияларнинг давлат ҳокимияти органларини шакллантириш жараёнида фаол иштирок этиши учун шарт-шароитлар яратиш мақсадида Ўзбекистон Республикасининг «Ўзбекистон Республикаси Олий Мажлиси-га сайлов тўғрисида»ги, «Халқ депутатлари вилоят, туман ва шаҳар Кенгашларига сайлов тўғрисида»ги Қонунлари ҳамда «Ўзбекистон Республикаси Марказий сайлов комиссияси тўғрисида»ги Қонуни 5, 9, 10-моддаларига мувофиқ Ўзбекистон Республикаси Марказий сайлов комиссияси

Қ А Р О Р Қ И Л А Д И :

1. Ўзбекистон Республикаси Олий Мажлиси, халқ депутатлари вилоят, туман ва шаҳар Кенгашларига 2019 йил декабрь ойида бўлиб ўтадиган сайловга тайёргарлик кўриш бўйича **асосий тадбирлар Дастури** иловага мувофиқ тасдиқлансин.

Белгилаб қўйилсинки, сайловга тайёргарлик кўриш бўйича барча ишлар Ўзбекистон Республикаси Марказий сайлов комиссияси, жойлардаги сайлов комиссиялари, вазирлик ва идоралар, сиёсий партиялар ва жамоат ташкилотлари томонидан сайлов тўғрисидаги қонунчилик ҳамда ушбу қарор билан тасдиқланган Дастурга мувофиқ равишда амалга оширилади.

2. Бўлиб ўтадиган сайловларга тайёргарлик кўриш даврида қуйидагилар асосий вазифалар этиб эътироф этилсин:

– сайлов тўғрисидаги қонунчиликнинг қоидаларини сайловчиларга кенг тушунтириш, сайловчиларнинг бўлажак сайловга мамлакатимиз ҳаётидаги энг муҳим ижтимоий-сиёсий воқеа сифатида тайёргарлик кўриши ва аҳолининг сайлов жараёнидан хабардорлигини ошириш бўйича самарали ахборот-таҳлил ишларини ташкил этиш учун шарт-шароитлар яратиш;

– сиёсий партияларга, депутатликка номзодларга ўз сайловолди дастурларининг қоидаларини, мамлакатни ижтимоий, иқтисодий ва сиёсий ривожлантиришнинг долзарб масалаларига доир нуқтаи назарларини сайловчиларга, жамоатчиликка етказиш учун оммавий ахборот воситаларидан фойдаланишда кенг ва тенг имкониятлар яратиш бериш;

– сайлов кампаниясида ёшлар ва хотин-қизларнинг фаол иштирок этиши, уларнинг электорал фаоллигини, сиёсий ва ҳуқуқий маданиятини ошириш;

– сайлов жараёни барча ташкилотчиларининг сайловларнинг ташкилий-ҳуқуқий асослари, сайловчиларнинг ягона электрон рўйхатини шакллантириш ҳамда сайлов жараёнига замонавий ахборот-коммуникация технологияларини жорий этиш бўйича кўникмаларини шакллантириш;

– сайлов кампаниясининг барча иштирокчилари томонидан амалдаги қонунчилик талабларига оғишмай риоя қилинишини таъминлаш. Энг аввало, сиёсий партиялар, сайловга тайёгарлик кўриш ва уни ўтказишда иштирок этадиган барча ташкилий тузилмалар ўртасида қонунчилик меъёрларига қатъий амал қилиш зарурати хусусида тушунтириш ишларини олиб бориш;

– амалдаги қонунчиликнинг сайлов кампаниясини ўтказишда фақат сайлов комиссиялари асосий ташкилотчи ҳисобланиши тўғрисидаги қонунчиликни изчил ва сўзсиз амалга ошириш, сайлов кампанияси жараёнига аралаштириш, қонун талабларини четлаб ўтиш, бузиш мақсадида қилинган ҳар қандай уринишлар, аниқланган «ҳомийлик» ҳолатларига нисбатан қонунчиликка мувофиқ чоралар кўриш ва айбдорларга нисбатан жазо муқаррарлигини таъминлаш.

3. Марказий сайлов комиссияси Котибияти раҳбари С.Курбанкуловга Дастурда белгиланган барча тадбирларнинг ҳар бир банди бўйича алоҳида ижрочи белгилаб, ижросини таъминлаш чораларини кўриш ва натижаларига кўра Марказий сайлов комиссияси мажлисларида ахборот бериб бориш топширилсин.

4. Ўзбекистон Республикаси Ички ишлар, Ахборот технологиялари ва коммуникацияларини ривожлантириш вазирликлари, Ер ресурслари, геодезия, картография ва давлат кадастри давлат қўмитаси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда Ўзбекистон Республикаси Президентининг «Сайлов жараёнига замонавий ахборот-коммуникация технологияларини жорий этиш чора-тадбирлари тўғрисида»ги ПҚ-3961-сон қарорига мувофиқ ўтказилган хатлов натижалари бўйича тайёрланган сайловчиларнинг дастлабки рўйхатини аниқлаштириш ишларини якунлаб, Марказий сайлов комиссиясига 2019 йилнинг 1 июль кунига қадар ахборот тақдим этсин.

5. Ўзбекистон Республикаси Адлия вазирлиги манфаатдор ташкилотлар билан ҳамкорликда икки ҳафталик муддатда сайлов қонунчилигига оид ҳуқуқий саводхонликни ошириш ва қонунчиликдаги янгиликларни ижрочилар ва аҳолининг кенг қатламига етказиш бўйича чора-тадбирлар Дастурини ишлаб чиқсин.

6. Мазкур қарор ва у билан тасдиқланган «2019 йилда Ўзбекистон Республикаси Олий Мажлиси, халқ депутатлари вилоят, туман ва шаҳар Кен-

гашлари сайловига тайёргарлик кўриш бўйича асосий тадбирлар Дастури» Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, сиёсий партиялар ва жамоат ташкилотлари, тегишли мутасадди вазирлик ва идоралар ҳамда оммавий ахборот воситаларига юборилсин.

Юқорида қайд этиб ўтилган ташкилот ва идоралар Дастурда белгиланган чора-тадбирларнинг бажарилиши юзасидан Марказий сайлов комиссиясига ҳар ой якунига кўра, кейинги ойнинг **5-санасига қадар ахборот** бериб борсин.

7. Ушбу Қарорнинг ижро этилиши устидан назорат қилиш Марказий сайлов комиссияси раисининг ўринбосари Г.Рахимова зиммасига юклатилсин.

Марказий сайлов комиссияси

Раиси

М.АБДУСАЛОМОВ

*Тошкент шаҳри,
2019 йил 27 май,
913-сон.*

Ўзбекистон Республикаси
Марказий сайлов комиссиясининг
2019 йил 27 майдаги
913-сон қарорига
ИЛОВА

**2019 ЙИЛДА ЎЗБЕКИСТОН РЕСПУБЛИКАСИ ОЛИЙ МАЖЛИСИ, ХАЛҚ ДЕПУТАТЛАРИ
ВИЛОЯТ, ТУМАН ВА ШАҲАР КЕНГАШЛАРИ САЙЛОВИГА ТАЙЁРГАРЛИК КЎРИШ БЎЙИЧА
АСОСИЙ ТАДБИРЛАР ДАСТУРИ**

№	Тадбирлар	Ижро этиш муддати	Масъул ижрончилар
I. Сайловларга тайёргарлик кўришни ташкилий-ҳуқуқий жиҳатдан таъминлаш			
1.	Сайлов жараёни иштирокчиларига сайлов қонунчилигининг асосий қоидаларини тушунтириш, сайловчиларнинг электорал маданиятини ошириш бўйича тизимли ишларни ташкил этиш.	июнь-декабрь	Марказий сайлов комиссияси, Адлия вазирлиги, сиёсий партиялар, Ахборот ва оммавий коммуникациялар агентлиги ва бошқа ОАВ
2.	Вазирлик ва идоралар, ҳокимиятлар ҳамда жамоат бирлашмаларининг раҳбарлари билан сайлов округлари ва участкаларини тузиш, округ, участка сайлов комиссиялари таркибига номзодларни танлаш ва улар ишини ташкил этиш механизмлари бўйича семинарлар ўтказиш.	июль-август	МСК, Фуқаролик жамияти шаклланишни мониторинг қилиш мустақил институти, Давлат бошқаруви академияси, Қорақалпоғистон Республикаси Жўқорғи Кенгеси, халқ депутатлари вилоятлар ва Тошкент шаҳар Кенгашлари
3.	Журналистлар учун сайлов жараёнини ёритишга оид ўқув-таништирув тренингларини ўтказиш.	сентябрь	Журналистлар малакасини ошириш маркази
4.	Сайлов қонунчилигидаги янгиликлар ҳамда халқаро меъёр ва стандартларни сайловчилар ва сайлов ташкилотчиларига етказиш учун халқаро ташкилотлар билан ҳамкорликда тадбирлар(семинарлар, ўқув машғулотлари)ни ташкил этиш ва ўтказиш.	август-декабрь	МСК, ТИВ, МТРК, Фуқаролик жамияти шаклланишини мониторинг қилиш мустақил институти
5.	Бўлажак сайловларнинг мохияти ва аҳамияти, сайлов кампаниясининг босқичлари ва асосий вазифалари, овоз бериш тартиби, участка сайлов комиссияси фаолиятига бағишланган видеоматериаллар, теле- ва радиороликларни тайёрлаш ва намойиш этиш.	август-декабрь	МСК, МТРК, Фуқаролик жамияти шаклланишини мониторинг қилиш мустақил институти, сиёсий партиялар
6.	Сайлов ҳужжатлари лойиҳалари (сайлов комиссиялари баённомаларининг шакли ва намуналари, сайлов бюллетенлари, муҳрлар ва штамплар эскизлари, сайлов кутилари, кабиналар ва х.к.), плакатлар, баннерлар (сайлов санаси, мазмун-мохияти тўғрисида х.к.) ва бошқа босма махсулотларни ўзбек, рус ва қорақалпоқ тилларида тайёрлаш.	август-сентябрь	МСК, вилоят, туман, шаҳар ва округ сайлов комиссиялари
7.	Марказий сайлов комиссиясининг сайлов жараёнини тартибга солувчи меъёрий ҳужжатларини амалдаги қонунчиликка мувофиқлаштириш.	июнь-сентябрь	МСК, Адлия вазирлиги

Давоми

8.	Марказий сайлов комиссиясининг низом ва йўриқномалари, сайлов қонунчилиги тўғрисидаги Ўзбек, рус, ва қорақалпоқ тилларида тайёрлаш ва чоп этиш.	июль-ноябрь	МСК, Ахборот ва оммавий коммуникациялар агентлиги
9.	Ҳоризжий давлатлар, халқаро ташкилотлар кузатувчилари, чет эл оммавий ахборот воситалари вакиллари учун ахборот-таҳлилий буклетларни нашрга тайёрлаш ва тарқатиш.	июль-ноябрь	Вазирлар Маҳкамаси, МСК, Иқтисодиёт вазирлиги, ТИВ, Ахборот ва оммавий коммуникациялар агентлиги
II. Сайлов округлари, сайлов участкалари ва сайлов комиссияларини тузиш ва уларнинг фаолиятини ташкил этиш билан боғлиқ тайёргарлик ишлари			
10.	Қонунчилик палатасига сайлов ўтказувчи округ ва участка сайлов комиссиялари, шунингдек, халқ депутатлари маҳаллий Кенгашларига сайлов ўтказувчи округ сайлов комиссиялари аъзоллигига номзодларни танлаш ва тасдиқлаш.	июнь-октябрь	МСК, ҚР Жўқорғи Кенгеси, вилоятлар, Тошкент шаҳар, туман ва шаҳар халқ депутатлари Кенгашлари
11.	Халқ депутатлари маҳаллий Кенгашларига сайлов ўтказувчи вилоят, туман ва шаҳар сайлов комиссиялари таркибини қайта кўриб чиқиш.	июнь-август	Халқ депутатлари вилоят, туман ва шаҳар Кенгашлари
12.	Олий Мажлис Қонунчилик палатасига сайлов ўтказувчи 150 та сайлов округлари чегараларини ҳудудларнинг маъмурий-ҳудудий тузилишини инобатга олган ҳолда белгилаш ва уларни очик электрон харитада акс эттириш.	июнь-июль	Ерғолезкадастрқўм, МСК, Ахборот технологиялари ва коммуникацияларини ривожлантириш вазирлиги, ҚР Вазирлар Кенгаши, вилоятлар, Тошкент шаҳар ҳокимликлари
13.	Марказий сайлов комиссиясининг расмий веб-сайтини модернизация қилиш, унинг мобиль иловасини, сайловчиларнинг электрон кутубхонасини яратиш, Марказий сайлов комиссиясини округ сайлов комиссиялари билан боғловчи ягона компьютер тармоғининг дастурий таъминотини ишлаб чиқиш.	июль-август	МСК, Ахборот технологиялари ва коммуникацияларини ривожлантириш вазирлиги
14.	Вилоят, туман, шаҳар сайлов комиссиялари, округ ва участка сайлов комиссиялари жойлашадиган биноларни аниқлаш, уларни таъмирлаш, уларга олиб борувчи йўллар сифатини яхшилаш, атрофини ободонлаштириш, узлуксиз электр энергияси билан таъминлаш, уларни тегишли сайлов атрибутикалари ва жиҳозлар (кабиналар, кутилар, байроқлар, стендлар, мебель, алоқа воситалари, офис ускуналари), транспорт, интернет алоқаси ва компьютер техникалари билан таъминлаш учун инвентаризациядан ўтказиш ва харид қилиш.	июль-август	ҚР Вазирлар Кенгаши, вилоятлар, Тошкент шаҳар ҳокимликлари, Ахборот технологиялари ва коммуникацияларини ривожлантириш вазирлиги
15.	Ўзбекистон Республикаси Олий Мажлиси сайловига тайёргарлик кўриш ва уни ўтказишнинг барча босқичларини тизимли ёритиб бориш, сиёсий партиялар, депутатликка номзодларнинг ўз сайлововли дастурлари, уларда акс этган мамлакат ривожланишининг муҳим ижтимоий-сиёсий, ижтимоий-иқтисодий масалалари бўйича мустақил нуктаи назарини сайловчиларга, жамоатчиликка етказиш ва ОАВдан фойдаланишда кенг ва тенг имкониятлар яратиш мақсадида Марказий сайлов комиссияси ҳамда Миллий телерадиокомпания, Ўзбекистон Миллий ахборот агентлиги, “Дунё” ахборот агентлиги ва Ўзбекистон электрон оммавий ахборот воситалари Миллий ассоциацияси билан икки томонлама келишув баённомаларини тузиш.	июль-ноябрь	МСК, МТРК, ЎЗА, “Дунё” АА, ЎзЭОАВМА, ТИВ

Давоми

16.	Сайлов комиссиялари аъзолигига номзодларни сайлов қонунчилигига мувофиқ сайловларни ташкил этиш ва ўтказиш тартиби, шу жумладан, сайлов жараёнини бошқаришда Ахборот тизимидан фойдаланиш бўйича ўқитиш ва сертификат беришга қаратилган комплекс чора тadbирларни амалга ошириш.	июнь-декабрь	МСК, Ахборот технологиялари ва коммуникацияларини ривожлантириш вазирлиги, ҚР Вазирлар Кенгаши, вилоятлар ва Тошкент шаҳар ҳокимликлари
17.	Республика ва ҳудудий мабуот марказлари учун бинолар танлаш, уларни алоқа воситалари ва оргтехника билан таъминлаш.	август-сентябрь	Вазирлар Маҳкамаси, МСК, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари
18.	Чет элларнинг олис ҳудудларида яшаётган Ўзбекистон фуқароларининг сайловда қатнашиш имконини инobatта олган ҳолда хориждаги дипломатик ваколатхоналарда ва консуллик муассасаларида сайлов участкаларини тузиш бўйича тайёргарлик ишларини кўриш.	август-сентябрь	МСК, ТИВ
III. Сайловчиларнинг электорал фаоллигини ошириш			
19.	Жамоатчиликни сайлов қонунчилиги хақида кенг хабардор қилиш, фуқароларнинг сайлов ҳуқуқлари қаролатларини таъминлашни назарда тутувчи аҳолининг сайлов маданиятини оширишга қаратилган 2019 йилга белгиланган дастур ишлаб чиқиш ва амалга ошириш.	май-декабрь	Адлия вазирлиги, МСК, Олий Мажлис палаталари, МТРК, ЎЗА ва бошқа ОАВ
20.	Аҳолини овоз бериш тартиб-тамоийиллари, овоз бериш қуни, сайловчилар рўйхати билан танишишда АКТдан фойдаланишдан хабардор қилишга қаратилган ахборот материалларини ишлаб чиқиш.	июнь-сентябрь	МСК, Адлия вазирлиги, МТРК ва бошқа ОАВ
21.	Ўзбекистон Республикасининг хориждаги дипломатик ваколатхоналари ва консуллик муассасалари томонидан миллий сайлов тизимини демократлаштириш жараёнини очиб бериш ва чет эг жамоатчилиги эътиборига етказишга бағишланган брифинглар, давра суҳбатлари, хорижий ОАВларда чиқишлар ўтказиш бўйича Дастур ишлаб чиқиш ва амалга ошириш.	август-декабрь	ТИВ, МСК
IV. Сайловчиларнинг ягона электрон рўйхати (СЯЭР)ни шакллантириш, улардан фойдаланиш тизимини такомиллаштириш ва сайловчиларнинг рўйхатини тузиш			
22.	Фуқаролар ва уларнинг яшаш манзиллари тўғрисидаги хақикий ва тўлиқ электрон маълумотлар базасини шакллантириш.	июль-август	ИИВ, «Ерғодезадастрқўм», Ахборот технологиялари ва коммуникацияларини ривожлантириш вазирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари
23.	Сайловчиларнинг шакллантирилган ягона электрон рўйхатидаги маълумотларни аниқлаштириш бўйича тadbирлар ўтказиш.	август-сентябрь	Ахборот технологиялари ва коммуникацияларини ривожлантириш вазирлиги, Давлат персоналлаштириш маркази, ИИВ, «Ерғодезадастрқўм», ТИВ, Адлия вазирлиги, Мулофаа вазирлиги

Давоми

24.	Сайлов участкаларининг электрон базасини уларнинг чегаралари белгиланган ҳолда яратиш ва сайловчиларнинг ягона электрон рўйхатига кирган барча сайловчиларни ушбу участкаларга бириктириш ишларини якунлаш.	1 сентябргача	Ахборот технологиялари ва коммуникацияларини ривожлантириш вазирлиги, «Ергеодезадастрўм», Давлат персоналлаштириш маркази, ҚР Вазирлар Кенгаши, вилоятлар ва Тошкент шаҳар ҳокимликлари
25.	Сайловчиларнинг ягона электрон рўйхати билан ишлайдиган ходимлар учун ўқув курслари ташкил этиш.	июнь-ноябрь	Ахборот технологиялари ва коммуникацияларини ривожлантириш вазирлиги, МСК, Олий ва ўрта махсус таълим вазирлиги, ҚР Вазирлар Кенгаши, вилоятлар ва Тошкент шаҳар ҳокимликлари, вазирлик ва идоралар
26.	Сайловчиларнинг ягона электрон рўйхатидан фойдаланиш ишларини мувофиқлаштириш бўйича республика миқёсида ва ҳудудларда штаблар ишини йўлга қўйиш мақсадида чора-тадбирларни ишлаб чиқиш ва амалга ошириш.	июль-сентябрь	МСК, Ахборот технологиялари ва коммуникацияларини ривожлантириш вазирлиги, ИИВ, «Ергеодезадастрўм», Олий ва ўрта махсус таълим вазирлиги, ҚР Вазирлар Кенгаши, вилоятлар ва Тошкент шаҳар ҳокимликлари, вазирлик ва идоралар
27.	Ҳар бир сайлов округи ва сайлов участкасини сайловчиларнинг ягона электрон рўйхатини бошқариш учун интернет тармоғига уланган камида 2 та замонавий компьютер билан жиҳозлаш.	сентябрь	ҚР Вазирлар Кенгаши, вилоятлар ва Тошкент шаҳар ҳокимликлари, Ахборот технологиялари ва коммуникацияларини ривожлантириш вазирлиги, «Ўзбектелеком» АК
V. Бошқа тадбирлар			
28.	Сайлов кампаниясини молиялаштириш бўйича харажатлар сметаси лойиҳасини тайёрлаш. Молия вазирлиги билан келишиш ва Марказий сайлов комиссияси қарори билан тасдиқлаш.	сентябрга қадар	Молия вазирлиги, МСК
29.	Олий Мажлис Қонунчилик палатаси депутатлари сайловини ўтказиш бўйича календар-режани ишлаб чиқиш.	1 сентябрга қадар	МСК

**ЎЗБЕКИСТОН РЕСПУБЛИКАСИ
МАРКАЗИЙ САЙЛОВ КОМИССИЯСИНИНГ
Қ А Р О Р И**

**ЎЗБЕКИСТОН РЕСПУБЛИКАСИ МАРКАЗИЙ САЙЛОВ
КОМИССИЯСИНИНГ ДОИМИЙ АСОСДА ИШЛОВЧИ АЪЗОСИ
О.АБДУНАЗАРОВ ТЎҒРИСИДА**

Ўзбекистон Республикасининг «Ўзбекистон Республикаси Марказий сайлов комиссияси тўғрисида»ги Қонуни 3, 4, 5, 6, 7-моддаларига мувофиқ Ўзбекистон Республикаси Марказий сайлов комиссияси

Қ А Р О Р Қ И Л А Д И :

1. Ўзбекистон Республикаси Олий Мажлиси Қонунчилик палатасининг 2014 йил 3 апрелдаги 890-II-сон ҳамда Сенатининг 2014 йил 10 апрелдаги СҚ-423-II-сон қарорларига асосан Марказий сайлов комиссиясининг аъзоси этиб сайланган ҳамда Комиссиянинг 2014 йил 17 апрелдаги 599-сон қарори билан доимий асосда ишлашга жалб қилинган Абдуназаров Олимжон Тоштемирович бевақт вафот этганлиги сабабли Комиссия аъзолари таркибидан чиқарилган деб ҳисоблансин.

2. Марказий сайлов комиссияси Котибияти раҳбари (С.Курбанкулов) О.Абдуназаровнинг бевақт вафот этганлиги сабабли Комиссия аъзолари таркибидан чиқарилганлиги тўғрисида Ўзбекистон Республикаси Олий Мажлиси Сенати ва Қонунчилик палатасига кўриб чиқиш учун тақдимнома тайёрласин.

3. Ушбу қарор Ўзбекистон Республикаси Марказий сайлов комиссиясининг расмий веб-сайтида, шунингдек, бошқа манбаларда эълон қилинсин.

**Марказий сайлов комиссияси
Раиси**

М.АБДУСАЛОМОВ

*Тошкент шаҳри,
2019 йил 27 май,
916-сон.*

**ЎЗБЕКИСТОН РЕСПУБЛИКАСИ
МАРКАЗИЙ САЙЛОВ КОМИССИЯСИНИНГ
ҚАРОРИ**

**ЎЗБЕКИСТОН РЕСПУБЛИКАСИ ОЛИЙ МАЖЛИСИ ҚОНУНЧИЛИК
ПАЛАТАСИ ДЕПУТАТИ С.ОТАМУРАТОВНИНГ
ВАКОЛАТИНИ МУДДАТИДАН ИЛГАРИ ТУГАТИШ
ТЎҒРИСИДА**

«Ўзбекистон Республикаси Олий Мажлиси Қонунчилик палатаси депутатининг ва Сенати аъзосининг мақоми тўғрисида»ги Ўзбекистон Республикаси Қонунининг 4-моддаси ҳамда «Ўзбекистон Республикаси Марказий сайлов комиссияси тўғрисида»ги Ўзбекистон Республикаси Қонунининг 5 ва 9-моддаларига мувофиқ Ўзбекистон Республикаси Марказий сайлов комиссияси

ҚАРОР ҚИЛАДИ:

1. 108-Ҳазорасп сайлов округидан сайланган Ўзбекистон Республикаси Олий Мажлисининг Қонунчилик палатаси депутати Сарвар Садуллаевич Отамуратовнинг депутатлик ваколати берган ёзма аризасига биноан муддатидан илгари тугатилган деб ҳисоблансин.

2. Мазкур қарор Ўзбекистон Республикаси Олий Мажлисининг Қонунчилик палатасига, Ўзбекистон Республикаси Адлия вазирлигига ва халқ депутатлари Хоразм вилояти Кенгашига юборилсин.

3. Ушбу қарор Ўзбекистон Республикаси Марказий сайлов комиссиясининг расмий веб-сайтида, шунингдек, бошқа манбаларда эълон қилинсин.

**Марказий сайлов комиссияси
Раиси**

М.АБДУСАЛОМОВ

*Тошкент шаҳри,
2019 йил 27 май,
917-сон.*

**ЎЗБЕКИСТОН РЕСПУБЛИКАСИ
МАРКАЗИЙ САЙЛОВ КОМИССИЯСИНING
Қ А Р О Р И**

**ЎЗБЕКИСТОН РЕСПУБЛИКАСИ ОЛИЙ МАЖЛИСИНING
ҚОНУНЧИЛИК ПАЛАТАСИ АЙРИМ ДЕПУТАТЛАРИНИING
ВАКОЛАТИНИ МУДДАТИДАН ИЛГАРИ ТУГАТИШ
ТЎҒРИСИДА**

«Ўзбекистон Республикаси Олий Мажлиси Қонунчилик палатаси депутатининг ва Сенати аъзосининг мақоми тўғрисида»ги Ўзбекистон Республикаси Қонунининг 4-моддаси ҳамда «Ўзбекистон Республикаси Марказий сайлов комиссияси тўғрисида»ги Ўзбекистон Республикаси Қонунининг 5 ва 9-моддаларига мувофиқ Ўзбекистон Республикаси Марказий сайлов комиссияси

Қ А Р О Р Қ И Л А Д И :

1. 11-Бўз сайлов округидан сайланган Ўзбекистон Республикаси Олий Мажлисининг Қонунчилик палатаси депутати Хатамжон Абдурахмонович Кетмоновнинг ҳамда 52-Булунғур сайлов округидан сайланган Ўзбекистон Республикаси Олий Мажлисининг Қонунчилик палатаси депутати Сахобиддин Жиянбоевич Арзикуловнинг депутатлик ваколатлари берган ёзма аризаларига биноан муддатидан илгари тугатилган деб ҳисоблансин.

2. Мазкур қарор Ўзбекистон Республикаси Олий Мажлисининг Қонунчилик палатасига, Ўзбекистон Республикаси Адлия вазирлигига ҳамда халқ депутатлари Андижон ва Самарқанд вилоят Кенгашларига юборилсин.

3. Ушбу қарор Ўзбекистон Республикаси Марказий сайлов комиссиясининг расмий веб-сайтида, шунингдек, бошқа манбаларда эълон қилинсин.

**Марказий сайлов комиссияси
Раиси**

М.АБДУСАЛОМОВ

*Тошкент шаҳри,
2019 йил 12 июнь,
918-сон.*

**ЎЗБЕКИСТОН РЕСПУБЛИКАСИ
МАРКАЗИЙ САЙЛОВ КОМИССИЯСИНИНГ
ҚАРОРИ**

**ЎЗБЕКИСТОН РЕСПУБЛИКАСИ ОЛИЙ МАЖЛИСИНИНГ
СЕНАТИ АЪЗОСИ Ғ.ИБРАГИМОВНИНГ СЕНАТОРЛИК
ВАКОЛАТИНИ МУДДАТИДАН ИЛГАРИ ТУГАТИШ
ТЎҒРИСИДА**

«Ўзбекистон Республикаси Олий Мажлиси Қонунчилик палатаси депутатининг ва Сенати аъзосининг мақоми тўғрисида»ги Ўзбекистон Республикаси Қонунининг 4-моддаси ҳамда «Ўзбекистон Республикаси Марказий сайлов комиссияси тўғрисида»ги Ўзбекистон Республикаси Қонунининг 5 ва 9-моддаларига мувофиқ Ўзбекистон Республикаси Марказий сайлов комиссияси

ҚАРОР ҚИЛАДИ:

1. Ўзбекистон Республикаси Олий Мажлисининг Сенати аъзоси Гуломжон Иномович Ибрагимов соғлиғига кўра ўз хоҳиши билан Сенат аъзолигидан чиқариш тўғрисидаги берган ёзма аризасига мувофиқ унинг сенаторлик ваколати муддатидан илгари тугатилган деб ҳисоблансин.
2. Мазкур қарор Ўзбекистон Республикаси Олий Мажлисининг Сенатига ҳамда халқ депутатлари Тошкент вилояти Кенгашига юборилсин.
3. Ушбу қарор Ўзбекистон Республикаси Марказий сайлов комиссиясининг расмий веб-сайтида, шунингдек, бошқа манбаларда эълон қилинсин.

**Марказий сайлов комиссияси
Раиси**

М.АБДУСАЛОМОВ

*Тошкент шаҳри,
2019 йил 19 июнь,
919-сон.*

**ЎЗБЕКИСТОН РЕСПУБЛИКАСИ
МАРКАЗИЙ САЙЛОВ КОМИССИЯСИНING
Қ А Р О Р И**

**Н.ЙЎЛДОШЕВНИ
ЎЗБЕКИСТОН РЕСПУБЛИКАСИ ОЛИЙ МАЖЛИСИ СЕНАТИ
АЪЗОЛАРИ РЎЙХАТИДАН ЧИҚАРИШ ТЎҒРИСИДА**

«Ўзбекистон Республикаси Олий Мажлиси Қонунчилик палатаси депутатининг ва Сенати аъзосининг мақоми тўғрисида»ги Ўзбекистон Республикаси Қонунининг 4-моддаси ҳамда «Ўзбекистон Республикаси Марказий сайлов комиссияси тўғрисида»ги Ўзбекистон Республикаси Қонунининг 5 ва 9-моддаларига мувофиқ Ўзбекистон Республикаси Марказий сайлов комиссияси

Қ А Р О Р Қ И Л А Д И :

1. Ўзбекистон Республикаси Президентининг 2019 йил 20 июндаги ПФ–5747-сон Фармонида асосан Ўзбекистон Республикаси Олий Мажлиси Сенати аъзоси Ниғматилла Тўлқинович Йўлдошевнинг ваколати муддатидан аввал тугатилганлиги сабабли, уни Ўзбекистон Республикаси Олий Мажлиси Сенати аъзолари рўйхатидан чиқарилган деб ҳисоблансин.

2. Мазкур қарор Ўзбекистон Республикаси Олий Мажлиси Сенатига юборилсин.

3. Ушбу қарор Ўзбекистон Республикаси Марказий сайлов комиссиясининг расмий веб-сайтида, шунингдек, бошқа манбаларда эълон қилинсин.

**Марказий сайлов комиссияси
Раиси**

М.АБДУСАЛОМОВ

*Тошкент шаҳри,
2019 йил 20 июнь,
920-сон.*

**ЎЗБЕКИСТОН РЕСПУБЛИКАСИ
МАРКАЗИЙ САЙЛОВ КОМИССИЯСИНИНГ
ҚАРОРИ**

**Т.НАРБАЕВА ҲАМДА Э.БАСИТХАНОВАНИ
ЎЗБЕКИСТОН РЕСПУБЛИКАСИ ОЛИЙ МАЖЛИСИНИНГ
СЕНАТИ АЪЗОЛАРИ ЭТИБ РЎЙХАТГА ОЛИШ ТЎҒРИСИДА**

Ўзбекистон Республикаси Президентининг 2019 йил 20 июндаги «Т.К.Нарбаевани Ўзбекистон Республикаси Олий Мажлиси Сенатининг аъзоси этиб тайинлаш тўғрисида»ги ПФ–5749-сон Фармони ва «Э.И.Баситхановани Ўзбекистон Республикаси Олий Мажлиси Сенатининг аъзоси этиб тайинлаш тўғрисида»ги ПФ–5750-сон Фармони, шунингдек, Ўзбекистон Республикаси Конституциясининг 77-моддаси, «Ўзбекистон Республикаси Олий Мажлисига сайлов тўғрисида»ги Ўзбекистон Республикаси Қонунининг 50-моддаси, «Ўзбекистон Республикаси Марказий сайлов комиссияси тўғрисида»ги Ўзбекистон Республикаси Қонунининг 5, 9-моддаларига мувофиқ Ўзбекистон Республикаси Марказий сайлов комиссияси

ҚАРОР ҚИЛАДИ:

1. Танзила Камаловна Нарбаева ҳамда Эльмира Иркиновна Баситханова Ўзбекистон Республикаси Олий Мажлисининг Сенати аъзолари этиб рўйхатга олинсин.
2. Мазкур қарор Ўзбекистон Республикаси Олий Мажлисининг Сенатига юборилсин.
3. Ушбу қарор Ўзбекистон Республикаси Марказий сайлов комиссиясининг расмий веб-сайтида, шунингдек, бошқа манбаларда эълон қилинсин.

**Марказий сайлов комиссияси
Раиси**

М.АБДУСАЛОМОВ

*Тошкент шаҳри,
2019 йил 20 июнь,
921-сон.*